



**В недѣлю пѣрвую
после прѣздняка святых апостол Петра и Павла**

Всех святых, в землі Тверской просиявших

НА ВЕЛІЦЕЙ ВЕЧЕРНИ

**На Господи, воззвах: поставим стихов 10 и поем
стихиры: воскресны текущаго гласа 3, Анатоліе-
вы 1, Богородицы 2 и святых 4. Слава, святых. И
ныне, Богородичен гласа. Стихиры святых, глас 8:**

Несь всех святых, в предѣлах землі Твер-
ской просиявших, / свѣтло пѣмь прѣздну-
юще, / радостно да восхвалим / святители,
преподобныя и праведники, / благоверныя
князи, за веру и люди свою жизнь мученически
положившия, / таже и жены подобныя / и вси
святїи, благочестным житїем Богу угодившии, /
їхже Бог прослави чудесы, / и ныне на Небесех
предстояще Христу, / радуются и молятся о чту-
щих их / и, свѣтло торжествующе, / молятся о мире
и спасенїи душ наших.

**Пѣрваго Патриарха Всероссийскаго Йова, / гра-
да Старицы похвалу восхвалим, / яко во граде
онем родїся, / и тамо во обители Успения Богома-
тере бе воспитан, / и страху Божию добре обучен, /
таможе и ангельский образ восприим, / высшаго
званїя достигл еси / и пѣрвым Патриархом
Московским и всея Россїи сподобился еси быти, /
и добре упасл еси Святую Церковь Россїйскую, / и
вѣлми потрудился еси / ради спасенїя Церкви и
отечества нашего / в смутныя времена на Русї, / и**

пострадал еси от самозванца и мятежников его. /
Ныне же молит Вседержителя Господа Бога
нашего Иисуса Христа, / да спасет души наша.

**Приидите, вернии людие, / ублажим Тверския
святители: / Арсения, Симеона, первого святителя
Тверскаго, / Феодора, Варсонофия, Феоктиста и
Акакия, / купно же с ними святители Московския /
Петра, Алексия, Киприана и Филиппа, / таже
Германа и Гурия, Казанских святых, / и святителя
Тихона Воронежскаго и Задонскаго чудотворца, /
потрудившихся в Церкви Тверской во славу
Божью, / иже и ныне молятся Богу, / да умирят мир
и спасет души наша.**

**Благовернаго великаго князя Тверскаго / святя-
го Михайла и дружины его, / княгини преподоб-
ная Анны Кашинския, / преподобных Ефрема и
Аркадия Новоторжских, / Макария Калязинскаго
и Нила Столобенскаго, / Антония Краснохолмска-
го и Нектария Бежецкаго / и вся преподобная,
поименованная и непоименованная, / с нимиже и
преподобная жены / ныне духовно прославляем, /
яко Церкви Тверския сии велие украшение и
слава / и теплии молитвенницы ко Господу, / во
еже даровати нам мир и велию милость.**

Слава, глас 6:

**Всех святых, в земли Тверской прославльших-
ся, / верою, любовью, духом, / чистотою и смирени-
ем, / благочестным житием, доброделанием и
молением / Богу угодивших / и святостию украсив-
шихся, / днесь, совершающе светлое торжество / и
возносяще молитву к прославльшему вы Христу
Богу нашему, молимся прилежно, / да вашими
молитвами / дарует Господь душам нашим мир и
велию милость.**

И ныне, Богородичен гласа.

Вход. Прокимен: Господь воцарися: И чтения:

Пророчества Исаиина чтение (глава 43):

**Тако глаголет Господь: / вси языцы собращася
вкупе, и соберутся князи от них. / Кто возвестит
сия в них? / Или, яже от начала, кто слышана**

сотворит вам? / Да приведут свидетели своя, и оправдятся, / и да услышат, и да рекут истину. / Будьте Ми свидетели, / и Аз Свидетель, глаголет Господь Бог, / и отрок, егоже избрах. / Да познаете, и веруете Ми, / и разумеете, яко Аз есмь, / прежде Мене не бысть ин бог, и по Мне не будет. / Аз есмь Бог, / и несть, разве Мене, спасаая. / Аз возвестих и спасох, / уничижих и не бе в вас чуждй. / Вы Мне свидетели, и Аз Господь Бог, / и еще от начала Аз есмь, / и несть от рук Моих избавляя. / Сотворю, и кто отвратит то? / Сйце глаголет Господь Бог, / избавляя вас, Святыи Израилев.

Премудрости Соломоновы чтение (глава 3):

Праведных души в руке Божией, / и не прикоснется их мука. / Непщевани быша во очесех безумных умрети, / и вменися озлобление исход их. / И еже от нас шествие — сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, / великими благодетельствовани будут, / яко Бог искуси я и обрете их достойны Себе. / Яко злато в горниле, искуси их / и, яко всеплодие жертвенное, прият я. / И во время посещения их возсияют / и, яко искры по стеблию, потекут. / Судят языком и обладают людьми, / и воцарится Господь в них во веки. / Надлежащия Нань разумют истину / и вернии в любви пребудут Ему, / яко благодать и милость в преподобных Его / и посещение во избранных Его.

Премудрости Соломоновы чтение (главы 5 и 6):

Праведницы во веки живут, / и в Господе мзда их, и попечение их у Вышняго. / Сего ради примут Царствие благолепия / и венец доброты от руки Господни, / зане десницею покрывает я и мышцею защитит их. / Примет всеоружие рвение Своё / и вооружит тварь в месть врагом. / Облечется в броня правды / и возложит шлем — суд нелицемерен. / Примет щит непобедимый — преподобие, / поострит же напрасный гнев во оружие, / споборет же с ним мир на безумных. / Пойдут праволучныя стрелы молниины / и, яко от

благокругла лука облаков, на намерение полетят, /
и от каменометных ярости исполнь падут грады, /
вознегодует на них вода морская, / реки же
потопят я нагло. / Сопротив станет им дух силы / и,
яко вихор, развеет их, / и опустошит всю землю
беззаконие, / и злодейство превратит престолы
сильных. / Слышите убо, цари, и разумейте, /
навыкните, судий концев земли, / внушите, держа-
щие множества / и гордящиеся о народах язык. /
Яко дана есть от Господа держава вам / и сила от
Вышняго.

На литии стихира, глас 8:

О, дивное чудо, / ныне страна Тверская
радуется / и духовно веселится, / прославляючи
всех святых, в ней просиявших, / и мы духовно
торжествуем, / благодаряще Христа Бога нашего, /
даровавшего нам радость / молитвенно совершати
славную память всех святых, / во всяцем чине и
звании / подвиги добрыми подвизавшихся на
Тверской земли / и ныне молящихся Господу / о
умирении мира и спасении душ наших.

Слава, и ныне, глас тойже:

Небеса ныне радуются / и земля с человеки
веселится, / днесь бо Святая Тверская Церковь /
совершает духовное торжество, / прославляючи
всех святых, в ней просиявших, / ихже молитвами
и Богородицы / Церковь и страну нашу в мире
сохрани, Многомилостиве.

На стиховне стихире воскресны.

Слава, святых, глас 4:

Ныне лик всех святых, / в земли Тверской
просиявших, радуется, / Небесное Царство
наследовавшее / и Христа славяще, / яко раби Его
бывшие, / всельшиися в жизнь вечную, / за еже на
земли свято пожившие, / ихже молитвами, Христэ
Боже, / помилуй и спаси нас.

На благословении хлебов Богородице Деве:
дважды, и святых тропарь единойды.

Тропарь, глас 4:

Иже в земли Тверской прославльшиися, / святителие, мученицы, / преподобнии, праведнии / и вси святїи, / верою, подвиги благочестия, / любвию, кротостию, словом и житиём / Бóгу благоугодившии / и венцы нетления и славы украсившиися, / молите Христа Бóга нашего / даровати мир стране нашей / и душам нашим в мире спастися.

НА УТРЕНИ

На Бог Господь: тропарь воскресен, дважды. Слава, святых. И ныне, Богородичен гласа. По кафизмах седальны воскресны гласа с припевы и Богородичны их.

По полиелѣи величание:

Величаем вас, / святителие Христовы, / мученицы, за веру Христову и отечество пострадавшии, / преподобнии, праведнии и вси святїи, / в земли Тверской просиявшии, / и чтим святую память вашу, / вы бо молитесь о нас / Христа, Бóга нашего.

Псалом избранный: Услышите сия, вси языцы: Посем тропарь: Ангельский собор:

Ипакой святых, глас 8:

Память святых Тверския страны совершающе, / Церковь Русская духовно радуется и молится ко Спасу Христу: / ихже молитвами спаси люди Твоя и благослови достойние Твое.

Степенны и прокимен гласа. Евангелие воскресно. Воскресение Христово видевше: Псалом 50. Слава: Молитвами Апостолов: И ныне: Молитвами Богородицы: Стихира воскресна.

Канон воскресен гласа со ирмосом на 4, Крестовоскресен на 3, Богородицы на 3, святых на 4.

Канон всем святым Тверским, глас 8.

Песнь 1

Ирмос: Колесницегонителя фараона погрузи / чудотвори ииногда / Моисейский жезл, крестообразно поразив / и разделив море, / Израиля же

беглеца, пешеходца спасе, / песнь Бóгови воспева-
юща.

Припев: Святїи вси Тверскїя землі, молїте
Бóга о нас.

Празднующе н́ине п́амять всех святых, в землі
Тверскóй просїявших, / в́ерою, любóвию и благо-
ч́естием благоугодївших Бóгу, / молїтвеннаго хо-
д́атайства о нас пред Бóгом ус́ердно пр́осим.

**П́ерваго Патри́арха Всеросскїйскаго Святéйша-
го Отца́ Иова,** / в́ернии лю́дие, почтїм ус́ердно, /
я́ко молїтвенника н́ашего и предст́ателя пред
Бóгом за от́ечество н́аше.

Рáдуйся, п́ервый епї́скопе Тверскїя епáрхии, /
святїтелю́ отче Симеóне, / положївый н́ачáло
духóвнаго правл́ения пáствы Тверскїя.

Богорóдичен: Пресвятáя Влады́чице Богорóди-
це, / помолїся за ны Бóгу со всем собóром
Тверскїх святых, / да спас́ет Госпóдь д́уши н́аша.

Песнь 3

Ирмос: Утверждéй в н́ачале Небесá рáзумом / и
зёмлю на вода́х основáвый, / на кáмени мя, Христé,
зáповедей Твоїх утвердї, / я́ко несть свят, пáче
Тебé, Едї́не Человеколóбче.

Арсéние святых, святїтелю Христóв, / áще и
человéк естеством, но áнгельски на землі пожїл
есї, / от ю́ности Христá возлюбїв, душéвною
чистото́ю сияя, / їстинным смире́нием украсїлся
есї.

Вельмї украсил есї престóл твой, святїтелю
Арсéние, / вели́кими бо чудесы́ преспéл есї и
житїем свéтлым, / сегó рáди Вели́кий Бог наш
вельмї Тя прослáви.

Врачá изрýдна разлїчно недýгующим / и настав-
л́ение всем, прельщ́енным злым советом, / Христóс
тя даровá чудотворца землі н́ашей, святїтелю
Арсéние. / Тэмже ты ублажа́ем.

Богорóдичен: Пресвятáя Дéво, Ты нас спасї и
немо́щем н́ашим б́уди Спасїтельница, / скорбéй
мнóгих и лю́тых нас избáви, / да Тя слáвим, едї́ну
Богорóдицу.

Кондак святых, глас 4:

На земли благочестно пожившии, / святїи, в
земли Тверской просиявшии, / и ныне на
Небесех со Ангелы радуется / и Троицу Святую —
Отца, и Сына, и Святаго Духа во Едином Божестве
прославляете. / Мы же, земнороднии, молитвенно
ублажающе вас / и святую память совершающе,
молим: / принесите наша молитвы к Небесному
Престолу Господа Вседержителя, / да Вашим
ходатайством / дарует мир и спасение душам
нашим.

Икос:

Аз есмь Лоза, вы же рождие, — / рече Христос
Своим учеником. / Такожде и вы, святїи страны
Тверскїя, явїстеся лозы Христовы, / благоукра-
сившия Святую Церковь Русскую плоды веры и
благочестия, / и ныне подаете душам нашим ра-
дость, мир и велию милость.

Песнь 4

Ирмос: Ты моя крепость, Господи, / Ты моя и
сила, / Ты мой Бог, Ты мое радование, / не оставль
недра Отца / и нашу нищету посетив. / Тем с
пророком Аввакумом зову Ти: / силе Твоей слава,
Человеколюбче.

Незаходимое Солнце в себе стяжав, Христа Бога
нашего, / преславный благоверный великий кня-
же Михайле, / освяти ны, честную память твою
почитающия.

Яко по закону ходив, смиренную мудрость
восприял еси, / великий страдальче, княже Миха-
йле, / со святыми Троице предстоя, / молися очище-
ние нам даровати, тебе восхваляющим.

Явися днесь заступление граду нашему и людем
пречистое тело твоё честное, / еже приимши
Церковь Божия, / веселит сердца поющих тя,
Михайле всеблаженне.

Богородичен: Заступнице скорбящих, / надеждо
ненадеющихся, Богородице Всепетая, / моли при-
лежно избавитися нам от бед и скорбей.

Песнь 5

Ирмос: *Вскую мя отринул еси / от лица Твоего, Свете Незаходимый, / и покрыла мя есть чуждая тьма, окаяннаго? / Но обрати мя и к свету заповедей Твоих / пути моя направи, молюся.*

Многоскорбная великая княгине, преподобная Анно Кашинская, / чудным житием твоим угодила еси Христу Богу, / ныне радуешься, и веселящися, / и наслаждающихся райския красоты и блаженства, / моли о нас Христа Бога нашего, / даровати мир стране нашей.

Богомудрая Ксение, матери князя-мученика святого Михайла Тверскаго, / молися с сыном твоим честным о нас ко Господу, / да умирят мир и спасет души наша.

Благоверная княгине Новоторжская Иулиание, / целомудрия ради мученическую смерть прияла еси. / Сего ради от Христа Бога нетленным и вечным венцем венчавшись, / ныне с лики мученик ликуеши. / Молися Христу Богу о всех нас, / верую и любовьию страдания твоя почитающих.

Богородичен: *Блажим Тя, Богородице Дево, / Ты бо молишися о нас Сыну Твоему, Христу Богу нашему, / во спасении душ имя Твое призывающих.*

Песнь 6

Ирмос: *Очисти мя, Спасе, / многа бо беззакония моя, / и из глубины зол возведи, молюся, / к Тебе бо возопих, и услыши мя, / Боже спасения моего.*

Молим вас, святителие Христовы Тверския страны: / Акакие, Феодоре, Феоктисте и Арсение / и вси Тверстии святителие и чудотворцы, / да вашими святыми молитвами подаст Господь миру умирение.

С вами да помолются и святители первопрестольнаго града Москвы, / Петр, Алексий и Киприан, / и Казанстии чудотворцы, святии Варсонофий, Герман и Гурий, с Моисеем Новгородским / о спасении душ наших.

Святителю отче Тихоне, Воронежский и Задонский чудотворче, / ты в Твери подвизался еси на

поприщи просвещения и учительства в духовной школе / и в управлении Успенским Отрочим монастырем; / во святительстве же написал еси труд: / Духовное сокровище, от мира собираемое. / Светом Богопознания просвети и наша сердца.

Богородичен: В молитвах Твоих неусыпную молитвенницу, Владычице, / и в представительстве непреложное упование вемы Тя, Богородице. / Темже молим Тя: / спаси от бед любовью чтущих Тя.

Кондак и йкос воскресны.

Песнь 7

Ирмос: Божия снизхождения / огонь устыдеса в Вавилоне иногда. / Сего ради отроцы в пещи, радованною ногою, / яко во цветнице, ликующе, пояху: / благословен еси, Боже отец наших.

Тверская похвало: / Арсение святителю, Михаиле мучениче / и Анно, града Кашина сокровище, с Иулианиею — цветом целомудрия, / о нас Христа Бога молите.

Преподобнии Ниле Столобенский и Макарие Калязинский, чудотворцы преславнии, / поминайте чтущих вашу святую память / и молите Бога о нас.

Отче Ефреме, града Торжка просветителю, со учеником твоим Аркадием, / молите Бога подати мир всему Православию / и душам нашим велию и богатую милость.

Богородичен: Не имама инья помощи, разве Тебе, Царице Небесная, / Ты нам помози / и избави от находящих на ны бед и скорбей / и от печалей многих, обуревающих ны.

Песнь 8

Ирмос: Седмерицею пещь / халдейский мучитель / Богочестивым неистовно разжже, / силою же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, перевозносите во вся веки.

Святче Паисие, постриженниче преподобнаго Макария, Калязинскаго чудотворца, / ангельско-

му житию ревнуя, духовному отцу твоему подражатель быв, / многотрудное житие явил еси, / и, чудес дарование от Бога прияв, преподобне, / моли Христа Бога спастися душам нашим.

Преподобнии отцы: Антоние Краснохолмский, Нектарие Бежецкий и Арсение Новогрудский / и прочие преподобнии всей Тверския страны, / вы есте славо и украшение святей Церкви Тверской.

Преподобнии отцы и матери, ведомии и неведомии миру, / в земли Тверской подвизавшиися и житием вашим Богу благоугодившии, / молитесь Бога о душах наших.

Богородичен: Богородице Дево, упование христианом, / сохрани грады и веси Тверския страны, / и Церковь святую в мире соблюди, / и люди православныя, на Тя уповаящия, спаси.

Песнь 9

Ирмос: Ужасеся о сем Небо / и земли удивившася концы, / яко Бог явился человеком плотски / и чрево Твое бысть пространныйшее Небес. / Тем Тя, Богородицу, / Ангелов и человек чиновачалия величают.

Всем святым. земнородным сродником нашим, / в земли Тверской подвизавшимся, молимся усердно: / да молитвами их подаст Господь мир душам нашим.

О вси святии земли Тверския, / угодницы Божии, Духа Святаго сосуди честнии бывше, / благодать Божественную восприяте, / непрестанно молитесь о воспевающих и чтущих святую память вашу.

Троицен: Отца, и Сына, и Святаго Духа, / Святую Троицу во Единице чтим, и поклоняемся, и со умилением просим: / да молитвами всех Тверских святых сохранит Бог мир от всякаго зла.

Богородичен: Не токмо земнородных, но и Небесных сил явилася еси Честнейшая Херувим / и Славнейшая без сравнения Серафим, Пречистая Дево Богородице, / Бога бо родила еси, Неискусобрачная. / Того моли единомыслие, мир и благостояние тихое святей Церкви Православней даровати, / во спасение душ наших.

Светілен воскресен. Слава, святых:

Свет Твой, Христэ Бóже, возсия праведникам, яко солнце незаходимое, / просвещающее Тверскую Церковь, прославляемую святыми Твоими. / Тя бо славяще, чтим и святыя Твоя, молящися за ны.

И ныне, Богородичен.

На хвалітех стихіры воскресны и святых, глас 6:

Вси святіи Тверскія страны: / святителие, мученицы, преподобнии и праведнии, / ныне прославляеми, / многая ва́ша именá, ведома́я нам и неведома́я, / на тверди церковней возсия́вшая, / мир просвещаете и от бед молитвами ва́шими нас сохраняете. / Мы же, сошедшеся днесъ, пѣсенно восхваляем вас: / раду́йтесь, святіи вси, в землі Тверско́й просия́вши; / раду́йтесь, славо и похвало́ Церкви и страны́ сія; / раду́йтесь, столпі непоколебимии Святы́я Церкви Христо́вы; / раду́йтесь, ве́ры утвержде́ние, и міра умире́ние, и теплии моли́твенницы о душа́х на́ших.

Слава, стихіра Евангельская. И ныне: Преблагословенна еси, Богородице Дево:

НА ЛИТУРГИИ

Блаженны гласа на 6 и святых на 4, песнь 9-я. По входе тропарь воскресен гласа и храма Богородицы, аще есть, и святых. Кондак воскресен. Слава, святых. И ныне, храма Богородицы или: Предстательство христиан непостыдное: Прокимен воскресен гласа и святых прокимен, глас 4: Возва́ша праведнии, / и Госпо́дь услы́ша их: Апóстол рядовой и святых ко Евре́ем, зачало 230. Аллилу́ия, стих святых: Раду́йтесь, праведнии, о Госпо́де, правым подобает похвала́. Евангелие рядовое и святых, от Матфе́я, зачало 11. Причастен воскресен: Хвалите́ Госпо́да с Небес, / хвалите́ Его́ в Вы́шних. И святых: Раду́йтесь, праведнии, о Госпо́де, / правым подобает похвала́.



В
ТОЙЖЕ
ДЕНЬ

**Ина служба всем святым,
в земли Тверской просиявшим**

НА ВЕЛИЦЕЙ ВЕЧЕРНИ

На Господи, возвах: стихиры, глас 2:

Кйими псненными похвалами / составим
праздник честен Богомудраго Михайла, / иже
Христа ради остави тленную славу земную / и
сосуд честен явися Святаго Духа. / Звезда свето-
носная возсия в России, / озаряющая вся концы, /
и, яко жертва непорочна, принесеса Христу, /
Емуже прилежно молится / даровати нам мир и
велию милость.

Кйими духовными псньми / похвалим Арсения
священнаго? / Дивнаго в чудесех и Безплотным
сожителя, / освященнаго от пелен, / столпа Церкви
неподвижима, / веселие земли нашея, / иноков
любителя, / яко войстинну отца чадолюбива / и
большым врача безмездна.

Кйими похвалами / возможем похвалити тебе,
преподобне Варсонофие? / Всем был еси сам образ
и учитель нелестен / и славному во градах Твери
святитель поставляешися, / уча и наказуя пути
Господню; / мы же, людие паствы твоея, вопием
ти: / радуйся, святителю отче Варсонофие, / граду
нашему похвала и утверждение.

Приидите, монашествующих собори, / Ефрема
Богоблаженнаго псньми и пеньми восхвалим / и,
на честную его икону взирающе, любезно рцем: /
радуйся, Богомудрый отче, / обители своей прес-
ветлый светильниче; / радуйся Пресвятыя Троицы
верный служителю. / Ейже ныне предстоя со
Ангелы, молися / даровати душам нашим велию
милость.

Преподобне Аркадие, / измлада возлюбил еси
доброу Владычню / и, к Тому желание невозврат-
но имея, / отечество и род оставил еси, / богатство
и славу возненавидев, / Христу единому последо-
вал еси, / равноангельно во обители с Богоносным
Ефремом пожил еси. / И ныне на Небесех со

Ангелы Христу́ Бо́гу предсто́я, / моли́ся спаст́ися нам.

Кто изглаголет до́блести тво́я, Мака́рие преподо́бне? / Ра́вно А́нгелом жити́е пож́ил еси́, / воздерж́анием ум оч́истив, / слéзными течéнии д́ушу просвет́ил еси́. / Тем и ны́не свéтло укра́шен, / предсто́иши со А́нгелы, ра́дуясь, Царю́ сла́вы, / Егóже моли́ подáти мир м́ру / и душáм нáшим спасéние.

Сла́ва, глас то́йже:

В пусты́ню водвор́ился еси́ / благода́тию Христа́ Бо́га, / преблаже́нне о́тче Нíле, / в не́йже, я́ко лозá благопло́дная при вода́х, насаждéн еси́, / плоды́ Христу́ Бо́гу принося́ / и к ж́изни вéчней наставля́я / véроу прáзднующих честнóу пáмять твою́, / моли́ Христа́ Бо́га / от бед избáвиться нам / и спаст́и д́уши нáша.

И ны́не, Богородичен глása.

Вход. Прокíмен воскрэсен. И чтéния (зри стра́ницы 545—547).

На лит́ии стих́иры, глас 8:

Приид́ите, восхва́лим чудотворца́ и м́ченика, / за лю́ди сво́я пострада́вшего, / побед́ившего сопро́тивнаго врага́, / ны́не бо, свéтло укра́шен, / предсто́ит Христу́, ра́дуясь. / Тем и мы пéсньми пáмять егó любóвию похва́лим, вопи́юще: / ра́дуйся, вселéнныя заст́упниче и побор́ителю на враѓи; / ра́дуйся, врач́у боля́щих и дéмонов прогон́ителю; / ра́дуйся, ч́удный Миха́йле, люб́имый Христу́, / за ны моли́ Святу́ю Трóицу, / умир́ити мир и спаст́и д́уши нáша.

Приид́ите, стеце́мся вси / к Божéственной пáмяти о́тца нáшего свят́ителя Арсе́ния: / сей бо от ю́ности желáние Божéственное в сéрдцы своéм при́им / и возлюб́ив Христа́ и Преч́истую Егó Мáтерь, / Ейже и об́итель сотвори́, и вельми́ украси́, / и мнóжество мона́хов собра́. / Тем быв христолуб́ивым князéм уч́итель прáвыя véры, / вельмóжам твёрдое защи́щение, / си́рым я́ко о́тец милосéрд, / вдови́цам тёплое заступлéние, / скорб́ящим утешéние, боля́щим исцелéние. / О Богобла-

жённый отче, / не престай моляся о всех, / с верою
чтущих память твою.

**Приидите, иночествующих собори, / усердно
все стецёмся, / весело торжествуем в честной
памяти предивного отца нашего Макария, / песнь-
ми воспевающе равноангельное житие его. / По
святом бо его преставлении / честныя мочи пода-
ют исцеления, / к немуже возошлем: / радуйся,
преподобне Макарие, / светильниче многосвёт-
лый, / монашествующим спасения ходатай, / но,
яко имея дерзновение ко Христу Богу, / не престай
молитися о чтущих память твою.**

И ныне, Богородичен.

На стиховне стихиры, глас 8:

**Преподобне и Богоносне отче наш Ниле, / ты от
юности отверглся еси мира и сродник своих / и
приял еси образ ангельский иноческаго жития / во
обители святого апостола и евангелиста Иоанна
Богослова / и преподобнаго отца нашего Саввы,
иже в Крещцах, / и в ней подвизався смирением и
послушанием, / яко добрый воин Христов. / Того
моли о нас, преподобне, со святыми сими / подати
грехов оставление и душам нашим велию милость.**

**Стих: Честна пред Господем / смерть преподоб-
ных Его.**

**Божественным уязвився желанием, преподобне
отче Ефреме, / и крест свой на рамо восприим, /
невозвратно последовал еси Владыце Христу / и
плотская вся мудрования умертвил еси; / сего ради
наследовал еси кратких землю, / тем неизреченна-
го онаго веселия наслаждаяся, / поминай нас,
творящих всечестную память твою.**

**Стих: Блажен муж, бойся Господа, / в заповедех
Его восхощет зело.**

**Помышляя загробное житие / и век будущий
нескончаемый, / век сей земный, яко маловре-
менен, / оставил еси, блаженне Аркадие, / и потщался
еси тленными стяжати нетленная, / отнюдуже и
тело поработил еси духови, / да Христа единого
приобрядеши; / Егоже моли спастися всем, / любо-
вию священную память твою почитающим.**

Слава, глас 4:

Радостно сошедшеся, / града Твери и Тверских пределов насельницы, / светло празднуем богоблаженную и благодарованную нам память / святителя нашего и чудотворца Варсонофия, / да молит Христа Бога / избавитися нам, чадом Его, от всех бед, / и пожити в вѣце сем мирно, безбедно и боголюбѣзно, / и всем достигнути вѣчнаго Царствия Небеснаго.

И ныне, Богородичен.

На благословѣнии хлѣбов Богородице Дѣво: двѣжды и святыхъ тропарь единойды.

Тропарь святыхъ, глас 4:

Боже отецъ нашихъ, / творяй присно с нами по Твоей кротости, / не отстави милость Твою от нас, / но молитвами их / в мире управи живот наш.

НА УТРЕНИ

На Бог Господь: тропарь воскресен, двѣжды. Слава, святыхъ. И ныне, Богородичен воскресен гласа.

По 1-м стихословии седален, глас 8:

Милостивому Христову угоднику, незлобивому, и кроткому, / вси тебе прилежно молимся и любовью зовем: / радуйся, святителю Арсение, / украсивый храм Божия Матере и угодников Ея Антония и Феодосия, / с нимиже моли Христа Бога грехов оставление даровати / чтущим любовью святую память твою.

Слава, и ныне, Богородичен:

Егда придет судити всей земли всех Владыка и Господь, / овцам мя причти десным, Владычице, / и кромешния тьмы и всякаго мучения Твоего непотребнаго раба исхити, молюся, / да благодарно величаю богатство Твоея благодати, Богородице Всенепорочная, / и вопию Ти, радуяся: / молюся Христу Богу прегрешений оставление даровати мне, / Тебе бо имам едину надежду.

По 2-м стихословии седален гласа:

Добродетели всяцей обучився терпеливно, Богодуховенне Варсонофие, / и благодатию Всесвятаго Духа священноделатель священнейший был еси и пастырь истинный. / Темже вся градов Твери и Казани Церковь славит тя, / светло совершаючи память твою / и Спаса Бога прославляючи.

Слава, и ныне, Богородичен:

Милосердия источнице, / милости сподоби нас, Богородице, / призри на люди согрешившия, / яви яко присно силу Твою, / на Тя бо уповающе, радуйся, вопием Ти, / якоже иногда Гавриил, безплотных Архистратиг.

Величание:

Величаем вас, / страны Тверския покровители, / и чтим святую память вашу, / вы бо молитесь о нас / Христа, Бога нашего.

По полиелеи седален, глас 8:

Яко воистинну Божественная и честная возсиявши память твою / Российским странам днесь, славный Михайле, / царскаго корене святая отрасль, / Христа возлюбив, Егоже ради неправедное заклание претерпел еси. / Темже моли, блаженне, даровати душам нашим очищение согрешений, / мир и велию милость.

Слава, и ныне, Богородичен:

Пречистыя рuce Твоя, Дево Мати, простерши, / покрый уповающия на Тя и Сыну Твоему зовущия: / всем подаждь, Христе, милости Твоя.

зри **Аще** празднуеши святым во ин день, кроме недели или на молебне.

Степенна, 1-й антифон 4-го гласа. Прокимен, глас 4: Дивен Бог во святых Своих / Бог Израилев. **Стих:** В церквах благословите Бога, Господа от источник Израилевых. **Всякое дыхание:** **Евангелие от Иоанна, зачало 35 или 36.**

По 50-м псалмѣ стихира, глас 6:

Святителие Христо́вы Арсѣние и Варсоно́фие, / споспешествуйте нам на видимыя и невидимыя враги́ наша, / имате бо на сие́ благодать, данную вам от Господа, / Ему́же во храме Претворѣния Господня прилежныя моли́твы, / яко кади́ло благоуханное, / возноси́ли есте́ за па́ству свою́.

Канон воскресен гласа со ирмосом на 4, и Богородицы на 4, и святым на 6.

Канон святым, глас 4.

Песнь 1

Ирмос: Отвѣрзу уста́ моя, / и напо́лнятся Ду́ха, / и сло́во отры́гну Цари́це Ма́тери, / и явлю́ся, свѣтло торжествую́я, / и воспою́, раду́ясь, То́я чудеса́.

Припѣв: Святы́й благове́рный вели́кий кня́же Михаи́ле, моли́ Бо́га о нас.

Кто не удивится и кто не воспоёт и прославит ве́рно / пресла́внаго му́ченика Христо́ва Михаи́ла, / Христо́ва ра́ди смире́ния презре́вшаго диади́му и ца́рство?

Княже́ние земно́е и ца́рское украше́ние оста́вив, / восприя́л еси́ венѣц из Бо́жия Влады́чни десни́цы и со А́нгелы ликую́ши. / Моли́ Господа за ны, чту́щия твою́ па́мять.

Заколѣн был еси́ от неправедных твои́х убийц / и вопия́л еси́ Влады́це Христу́: / приими́ дух мой, Влады́ко, / на Тя бо упова́ние моё возложих, Господи.

Тезоимените Вы́шняго воево́ды, Михаи́ле, огнезра́чнаго, / с нимже умоли́ Христа́ подати мир стране́ нашей / и утиши́ти вра́жия стремле́ния.

Послѣдовал еси́ Христу́ и му́це Его́ уподобился еси́, преблаже́нне Богоно́сне Михаи́ле, / певцы́ тво́я сохраня́й и град наш заступи́ от нахожде́ния инопле́менных и от бед / богоприя́тными твои́ми моли́твами.

Богородичен: Богороди́це Де́во, ро́ждшая Сло́во, па́че словесе́, Зиждите́ля Твоего́, / Того́ моли́ за ны с сим блаже́нным Михаило́м, / ве́рно чту́щия Тебе́, Богороди́це.

Песнь 3

Ирмос: Твоя песнословцы, Богородице, / Живый и Независтный Источнике, / лик себе совокупльшия, духовно утверди, / в Божественней Твоей славе / венцев славы сподоби.

Припев: Святителю отче Арсение, моли Бога о нас.

Аще и человек еси естеством, отче Арсение, / но ангельски на земли пожил еси, / деснаго пути от юности емся, целомудрия рачитель быв, / Духа Святаго честное обиталище, всесвященне, явился еси.

Яко светозарно житие, яко zelo чудно, / яко красни трудове твой, яко велика благодать свыше дана ти, мудре, / сего ради верно почитаем тя, святителю Арсение.

Вышний Царю и Вседержителю, / молитвами твоего угодника жизнь умири всем, Слове, христианом, / пособствуй им на враги видимыя и невидимыя.

Иже к Богу молитвами твоими теплыми, / очисти нас от всякия скверны и скорбей, и болезней, / и всякия нужды, святителю Арсение, избави.

О Богоблаженне отче Арсение, / аще телом и прешел еси от нас, но духом пребывая с нами, / молися за ны Христу и Пречистой Его Матери с Ея угодники Антонием и Феодосием / и спасай нас, чтущих тя славно.

Богородичен: Восхвалим днесь песнями великаго пастыря и учителя, Арсения Богомудраго, / сей бо измлада возлюбил Христа и Пречистую Его Матерь, / с Неоуже ныне молит Христа Бога помиловати души наша.

Седален, глас 4:

Великий Христов святитель да воспоеется, / столп светлый, просвещающий нас чудес светлостью: / Богоносный отче наш Арсение, пастырю и учителю земли нашей, / Христа Бога моли о пастве твоей / и о всех, верую и любовью чтущих святую память твою.

Слава, и ныне, Богородичен:

Поём Тя, Богоневесто, Мати Христа Бóга, /
 славяще рождество Твое непостижимое, /
 имже избавихомся от лести диавола и всякия беды, /
 Богородице Владычице, и верно вопиём: / помилуй
 нас, едина Всепетая.

Песнь 4

Ирмос: Седяй в славе на Престоле Божества / во
 облаце легце, / прииде Иисус Пребожественный /
 Нетленною Дланию и спасе зовущия: / слава,
 Христе, силе Твоей.

Припев: Святителю отче Варсонофие, моли Бóга
 о нас.

Святителю отче наш Варсонофие, молися Хри-
 сту Бóгу, / да по достойнию возможем принести
 тебе пение во хваление / и Христа прославим.

Мужественне терпя от неверных, в плене сый, / и
 смирения ради нрава в кротость преложил еси
 неверных, / и сего ради от Бóга мзду восприим,
 святителю Варсонофие.

Всех благих образ был еси, / к Вышнему житию
 ведущ смирением и кротостью, / темже и Христос
 пастыря тя людем Своим устроет.

Истиннаго всех Пастыря—Христа, святителю
 Варсонофие, / моли со всеми освященными лики, /
 да спасет люди по велицей Его милости, / и
 сохранени будем от диавольских коварств, чту-
 щии тя.

Воспевающих тя, и присно блажащих, / и память
 твою верно прославляющих, святителю Варсоно-
 фие, освяти и прослави / и от напастей и бед
 избави.

Богородичен: Под кров Твой державный с
 ве́рою прибегаем, Богородице: / покрый и соблю-
 ди, Господже, молитвами Твоими / и спаси от бед и
 клеветы злых человек раб Твоих, / присно пою-
 щих Тя.

Песнь 5

Ирмос: Ужасошася всяческая / о Божественней
 славе Твоей: / Ты бо, Неискусобрачная Дево, /
 имела еси во утробе над всеми Бóга / и родила еси

Безлётнаго Сына, / всем воспевающим Тя / мир подающая.

Припев: Преподобне отче Ефреме, моли Бога о нас

Житиё твоё, отче Ефреме, чудно на земли показал еси, / великое пощение и смирение, / сего ради на Небесех жизнь вечную наследовал еси. / Моли спастися от бед поющим тя.

Явился еси граду Торжку, Ефреме Богоблаженне, столп непоколебимый, / стена нерушимая, великое избавление от бед и источник благодати неоскудный, / подающий всем исцеление, притекающим к тебе, преподобне.

Любовию и верою чтуще память твою, / прилежно молим тя, преподобне отче Ефреме: / непрестанно за ны Христа Бога моли вкупе с Борисом и Глебом, / неправедное заступление любви ради Божия претерпевшими.

Преподобне отче Ефреме, / ты церковь прекрасну страстотерпцем Христовым Борису и Глебу воздвигл еси, / идеже и обитель иноком честну составил еси, / моли спастися душам нашим.

Место, еже сподобися прияти честныя мощи твоя, преподобне Ефреме, освятися / и по многим странам прославляемо есть, / яко иматъ великаго пред Богом заступника.

Богородичен: Яже всеми владычествующая тварьми, / людем Твоим даруй победу и одоление, / непокоривыя враги покоряя, / да Тя вси, яко Богородицу, величаем.

Песнь 6

Ирмос: Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождшагося Бога славим.

Припев: Преподобне отче Аркадие, моли Бога о нас.

Божественным желанием уязвився, преподобне Аркадие, / житиё непорочно проходил еси, / дондеже унаследовал еси Царствие Небесное.

Аще и юн телом, преподобне Аркадие, / но многолетних житиём превозшел еси, / все

плотское мудрование отринув, / свой разум в послушание Христово пленил еси.

Чистотою и смирением Богу угодил еси / и наставнику своему во всем повинулся еси, / с нимже молился, преподобне Аркадие, / подати нам мир и велию милость.

Измлада Христу последовав, / пощением и молитвами противу кознем демонским вооружился еси, / сего ради был еси светильник, чудесы сияя, Аркадие, / испроси отечеству нашему мир и на враги победу.

Желанием зельным, преблаженне Аркадие, / последовал еси Богоносного отца Ефрема житию: / того бо ученик изрядный был еси, / с нимже молился Господеви помилovati души наша.

Богородичен: Плотию рождши Безплотного, Богородительнице Пречистая, / телесных нас и душевных скверн омий / окроплением Божественных благодати Сына Твоего.

Кондак, глас 8:

Многими скорбми путь земныя жизни преидосте / и, достигше края умнаго желанія, / в чертог Божественныя славы вселитесь, / и ныне, радуящися со всех Царем и Богом, / молитесь, яко да и мы вашего блаженства причастницы будем, / ваш собор почитающии, / святїи покровителие Тверскїя страны.

Икос:

Восхвалити по единому кто возможет твоя святїя, о Боже? / Изочту их и паче песка, / но Сам, Владыко Христе, изчитаяй множество звезд и всем им имена нарицаяй, / прими всех их мольбы о нас и яви щедроты Твоя на людех Твоих. / Ве́мы бо, яко многое ѣдут дерзновение к величеству Твоему и ходатайствуют к Тебе, / яко присно молитвенницы о душах наших.

Песнь 7

Ирмос: Не послужиша твари Богомудрии / паче Создавшаго, / но, огненное прещение мужески поправше, / радовахуся, поюще: / препетый отцев Господь и Бог, благословен еси.

Припев: Преподобне отче Мака́рие, моли́ Бóга о нас.

Божественное жити́е на земли́ пожив, преподобне Мака́рие, / Небеснаго наслаждéния достигл еси́ / и ны́не со Ангелы лику́еши.

В Божественней пáмяти твоёй днесь сошédшеся, / воспева́ем тво́я подвиги, и болéзни, и исправлéния, / отче преподобне Мака́рие.

В простотé души́, я́ко Ангел, пожив, блаженне Мака́рие, / страстéй разгна́л еси́ душетлéнную прелесть Божественною благодáтию.

Ны́нешняго жити́я красóты вся, я́ко умéты, вмени́л еси́, / да Христа́ приобря́щеши, / и сего́ ра́ди дóбре потрудíлся еси́, Мака́рие великоимéнитый.

Ра́ка, идéже лежи́т честнóе тéло твоё, преподобне Мака́рие, / истóчник содева́ет чудéс, / к нейже притека́юще, от вся́кия сквэрны страстéй избавля́емся.

Богородичен: От ложéсн Тво́их, Пречíстая, Правды Сóлнце возсия́ и мир просвети́, / Егóже Божественными заря́ми и менé просвети́.

Песнь 8

Ирмос: *Отроки благочестíвыя в пещи́ / Рождество́ Богородичо спасло́ есть; / тогда́ убо образу́емое, / ны́не же де́йствуемое, / вселéнную всю воздвизáет пéти Тебе́: / Гóспода по́йте, дела́, / и превозно́сите Егó во вся вéки.*

Припев: Преподобне отче Нíле, моли́ Бóга о нас.

Смирíлся еси́ Христа́ ра́ди, отче Нíле, / и, крест взем, отéчество и срóдник оста́вил еси́, / отню́ду же в пусты́ню вшед, / и в ней трудолю́бно подвизáлся еси́, преподобне.

Сна тво́им очесéм не дал еси́, блаженне Нíле, / ни вéждом дремáния, / дóндеже сподóбился еси́ праведных селéния, / я́же угото́ва Бог любя́щим Егó.

Др́вних и вели́ких отцéв, в постé просия́вших, жити́ю подóбися, преподобне, / в пусты́ню всели́лся еси́ / и та́мо в пощéниях мно́га лéта пребы́л еси́, Нíле, отче наш.

Мéсто освятíся, на нёмже честнóя мóщи тво́я

положишася, преподобне Нїле, / и по многим странам прославляемо есть, / яко в себе мѡщи твоей имущее.

Ныне пустыня веселием красуется, / имущи мѡщи твоей в себе, ѡтче Нїле, / ученицы же твоей, о пѡмѡсти твоей радуящеся, Творцу вопиют: / Господа воспевайте, дела, / и превозносите Его во вся вѣки.

Богородичен: Недугующаго душею и телом исцели, Владычице, раба Твоего, молитвами блаженнаго Нїла, / Тебе бо Предстательницу вси, сущии в печалех, стяжяхом, / яко рождшую Спасение наше.

Песнь 9

Ирмос: Всяк земнородный / да възиграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная, Богородице, / Чистая Приснодево.

Припев: Святаѡ благоверная княгине Ксѣние, моли Бога о нас.

Ливан ли гору наречем тя, Богомудрая Ксѣние, или Фисон реку, / добрейши бо сапфира и камня честнаго — блаженнаго Михайла, рождшую, / иже и молится о нас ко Господу.

Припев: Святаѡ благоверная княгине Ксѣние, моли Бога о нас.

От Богомудрыя Ксѣнии родился еси, блаженне Михайле, / с неюже ты блажим, страдальче превхвальне, / спаси град и люди, поющия тя.

Припев: Святаѡ благоверная княгине Иулиание, моли Бога о нас.

Красотою страданий уподобилася еси Безплотным, Богомудрая Иулиание, / Прекрасному Жениху Христу уневестилася еси, / с Нимже предстоѡ, моли спастися душам нашим.

Припев: Святаѡ благоверная княгине Иулиание, моли Бога о нас.

Воспоем днесь Благодетеля всех Бога, / прославльшаго в России Иулианию Богомудрую, / да молитвами еѡ подаст душам нашим грехов оставление и велию милость.

Припев: Все святіи Тверскія страны, молитѣ
Бога о нас.

Святѣйшии Христовы иерарси и честнии преподобных собори, / со всеми святѣими о всех нас
Человеколѹбца Бога молитѣ, / молим вы.

Богородичен: Пречистая Дѣво, / похвалѣ мучеников,
и преподобных, и праведных, и всех святѣих, / от всякаго мучительства лукаваго
изми мя, молюся.

Светѣлен:

Приидіте днесь, собори Россійстии, и видите, / яко суд без вины приѣмлет великий мученик
Михайл, / яко агнец безлѣбив, заколен бысть от окайннаго Кавгадыя, / и повержено бысть тѣло его
на земли, и никѣмже вреждено бысть. / И сей ѹбо венчася, тойже без памяти погибе, / и сей в мире
славим есть, он же в геенне мучится, / сей же Христа Бога молит о душах наших.

Слава, и ныне, Богородичен:

Блажим Тя, Богородице Дѣво, / и славим Тя вернии по долгу, / град непоколебимый, стѣну
необоримую, / твердую Предстательницу и прибежище душ наших.

На хвалѣтех стихіры, глас 8:

Монахов множества, / наставника тя почитаем, отче наш Макарие, / твоєю бо стезею воистинну
право ходити познахом. / Блажен еси, Христу рабѣ, / и вражю обличил еси силу, / Ангелов
собесѣднике, преподобных сопричастнике и праведных. / С ними же молися Господеву / помилува-
тися душам нашим.

Мирскаго пристрастия, яко от скверны, уклонився, / алчною и жаждою плоть свою увядил еси,
отче Ефреме, / тем Небесною славою со Ангелы обогатился еси, / с ними же непрестанно молися / о
чтущих любовию память твою.

От юности святоотеческому житію поревновав во всем, / блаженне Аркадіе, / оставил еси вся, яже
в мире житейская мудрѣнія, / моли о нас Христа Человеколѹбца.

Слава, стихира Евангельская. И ныне: Преплагословенна еси, Богородице Дево: Также тропарь воскресен. Слава, и ныне, Богородичен.

На 1-м часе тропарь преподобному Ефрему, глас 1:

Божественною свыше просветися благодатию, преподобне, / многим терпением во временной жизни подвиг совершил еси. / Темже источаеши чудес благодать / всем, с верою приходящим к мощем твоим, Ефреме преблаженне. / Сего ради зовем: / слава Давшему ти крепость, / слава Венчавшему тя, / слава Действующему тобою всем исцеления.

По Отче наш: кондак преподобному Аркадию, глас 2:

К глубинам Божественнаго разума вперив ум свой, / в Небесныя обители востекл еси, / и равноангельно житие, отче Аркадие, на земли пожил еси, / и во всем повинулся еси духовному своему настоятелю и наставнику, преподобному отцу Ефрему, / и ныне, вкупе предстояще у Престола Владыки Христа, / молися непрестанно о всех нас.

На 3-м часе тропарь воскресен и святому благоверному великому князю Михайлу, глас 8:

Возвысив ум твой к Богу, / жития со Ангелы возжелел еси, / тленную славу земную оставил еси, блаженне, / и положил еси душу твою за люди твою, / восприял еси венец противу трудов твоих, Богомудре Михайле, / моли Христа Бога о чтущих любовью святую память твою.

По Отче наш: кондак воскресен или преподобному Нилу, глас 8:

Отчества, преподобне, удалився, / в пустыню вселился еси, / и, на остров Селигера езера восшед, / жестоко житие показал еси, / и, многих добродетельми удивив, / дарования чудес от Христа приял еси. Поминай нас, чтущих память твою, да зовем ти: / радуйся, Ниле, отче наш.

На 6-м часе тропарь святителю Арсению и святителю Варсонофию.

Тропарь святителю Арсению, глас 8:

Благочестно пожив во святительстве, / лю́ди просветил еси́ учением твоим, / и о храме Пречистыя вельми подвизався / и любитель монахов быв, / сего́ ради от Христа́ па́сты твоёя́ венёц прия́л еси́. / Те́мже, я́ко апо́стольскаго престо́ла наместника / и святителя вели́каго чту́ще тя, мо́лим, ча́да тво́я, блаже́нне: / от всех бед изба́ви нас я́же ко Христу́ моли́твами твоими́, / святителю Христо́в Арсе́ние, о́тче наш.

Тропарь святителю Варсонофию, глас 3:

Возвестителю пу́ти спаси́тельнаго, / и́стинный хранителю апо́стольских преда́ний, / сто́лпе непоколеби́мый, / благочести́я учи́телю и правосла́вия наста́вниче, / святителю Варсоно́фии, Влады́ку всех моли́ / мир вселенней дарова́ти / и ду́шам на́шим ве́лию ми́лость.

НА ЛИТУРГИИ

Блаженны от канона, песни 3-я и 5-я. Прокимен, глас 7: Честна́ пред Го́сподем / смерть преподо́бных Его́. **Стих:** Что́ возда́м Го́сподеви о всех, я́же воздаде́ ми? **Апо́стол к Гала́том, зачало 213. Стих:** Блаже́н муж, бойся Го́спода, в за́поведех Его́ восхо́щет зело́. **Стих:** Си́льно на земли́ бу́дет се́мя его́. **Ева́нгелие от Луки́, зачало 24. Прича́стен:** В па́мять ве́чную:

Собор всех святых, в земле Тверской просиявших (празднование в первое воскресенье после 29 июня). С 1897 года по благословению архиепископа Тверского и Кашинского Димитрия (Самбикина; †17 марта 1908) началось собирание сведений о Тверских святых. Приснопамятным Преосвященным Димитрием была составлена служба Всем Тверским святым, подготовлен к печати «Тверской патерик», изданный в Казани в 1908 году, а также, по его просьбе, написана в 1902 году икона «Собор Тверских святых». В 1904 году архиепископ Димитрий освятил престол в честь Собора Тверских святых во втором ярусе колокольни кафедрального собора. С этого времени началось местное почитание Собора Тверских святых.

Начатое архиепископом Димитрием дело получило свое завершение через 70 лет, благодаря трудам архиепископа Калининского и Кашинского Алексия. Им была составлена служба Всем Тверским святым и возбуждено ходатайство перед Святейшим Патриархом Московским и всея Руси Пименом совершать память Всех святых, в земле Тверской просиявших, в первый воскресный день после праздника святых первоверховных апостолов Петра и Павла. Святейший Патриарх Пимен удовлетворил ходатайство и благословил внести память Собора Тверских святых в календарь Русской Православной Церкви, начиная с 1979 года.

В сонме святых, подвизавшихся в пределах Тверской епархии, более сорока угодников Божиих. Среди них

некоторые не были наставниками и учителями Тверской паствы, но, как отмечает Святейший Патриарх Пимен в поздравительном Послании к архиепископу Калининскому и Кашинскому Алексию, они «были причастны к ней либо по происхождению, либо по кончине».

Особо чтимыми святыми Тверской епархии являются показавший пример патриотического служения и подвига исповедничества **святой благоверный князь Тверской Михаил Ярославич** (†1318; память 22 ноября) и его супруга **святая благоверная княгиня Анна Кашинская** (†1338; память 12 июня, 2 октября). Известны святые архипастыри Тверской епархии: первоначальник Тверских святителей **епископ Симеон** (†1289; память 3 февраля), **епископ Феодор**, прозванный **Добрым** (†1367; память 20 марта), и **епископ Арсений** (†1409; память 2 марта), которым пришлось управлять епархией в тяжелые времена междоусобиц и монголо-татарского ига.

Особый ряд Тверских святых составляют учителя, просветители и проповедники Христова учения, которые на протяжении многовековой истории Тверской епархии поддерживали благочестие и святость на этой земле. Среди них основатель Борисоглебского монастыря **преподобный Ефрем Новоторжский** (†1053; память 28 января и 11 июня); **преподобный Аркадий Вяземский** и **Новоторжский** (†1053; память 13 декабря); **блаженный Константин Новоторжский** (†предположительно XVI в.); основатель Сретенского монастыря **преподобный Савва** (†1467); и его брат **преподобный Варсонофий** (†ок. 1459) основатель Свято-Троицкой обители **преподобный Макарий**, **игумен Калязинский** (†1483; память 17 марта, 26 мая); основатель Введенского монастыря **преподобный Нектарий Бежецкий** (†1494); основатель Сретенского монастыря **преподобный Савватий** (†ок. 1434); основатель Оршинского Савватиева монастыря **преподобный Евфросин** (†ок. 1460); основатель Стоlobенской пустыни **преподобный Нил**, **Стоlobенский чудотворец** (†1554; память 7 декабря, 27 мая); **святитель Акакий**, **епископ Тверской и**

Кашинский (†14 января 1567); **святитель Варсонофий**, **епископ Тверской**, **чудотворец Казанский** (†1575; память 11 апреля, 4 октября); **убитый поляками святитель Феокист**, **архиепископ Тверской** (†1609); основатель Николо-Антониева Краснохолмского монастыря **преподобный Антоний Краснохолмский** (†17 января 1642).

Наибольшую известность из всех монастырей Тверской епархии получил Успенский Отрочь монастырь, основанный в конце XII века. Здесь был пострижен в монашество **святитель Моисей**, **архиепископ Новгородский и Псковский** (†1362; память 25 января); здесь проживал в заточении более двадцати лет знаменитый ученый **преподобный Максим Грек** (†1556; память 21 января); сюда был сослан царем Иоанном Грозным и умерщвлен опричником Малютой Скуратовым **святитель Филипп**, **митрополит Московский и всея Руси** (†1569; память 9 января); здесь настоятельствовал в течение нескольких лет **святитель Тихон**, **епископ Воронежский и Елецкий**, **чудотворец Задонский** (†1783; память 13 августа).

Жизнеописания многих подвижников и угодников Божиих связаны с историей Тверской земли. В пределах Тверского княжества был убит в битве с татарами **святой благоверный великий князь Владимирский Георгий Всеволодович** (†1238; память 4 февраля), здесь же и в том же году за отказ принять татарские обычаи был убит **святой благоверный Василий**, **князь Ростовский**. Родом из Кашина Тверской епархии был **преподобный Савва Вишерский**, **Новгородский** (†1460; память 1 октября), здесь же родился **преподобный Ефрем Перекомский**, **Новгородский чудотворец** (†1492; память 16 мая, 26 сентября). Из того же города был родом **святитель Серапион**, **митрополит Сарский и Подонский** (†1659). В городе Ржеве Тверской епархии родился **преподобный Арсений Новгородский** (†1570; память 12 июля), в Торжке — **преподобный Трифон Печенгский**, **Кольский чудотворец** (†1583; память 15 декабря), в Твери — **преподобный Антоний Леонинский** (†1611; память 17 октября).

Подвизались в монастырях Тверской епархии преподобный Паисий Угличский (†1504; память 6 июня); преподобный Иосиф Волоцкий (†1515; память 9 сентября, 18 октября), преподобный Корнилий Комельский (†1537; память 19 мая). Настоятелем Свято-Троицкого Селижарского монастыря Тверской епархии был некоторое время святитель Гурий, архиепископ Казанский и Свияжский (†1563; память 20 июня, 4 октября, 5 декабря); настоятельством в Старицком Успенском монастыре святитель Герман, архиепископ Казанский (†1567; память 6 ноября, 23 июня), в этом же монастыре святитель Герман постриг в монашество Святейшего Иова, впоследствии первого Патриарха Московского и всея Руси (†1607; память 19 июня), исповедника и патриота, который в конце своей жизни был заточен самозванцем Лжедмитрием I в эту же обитель, руководимую уже преподобным Дионисием Радонежским, будущим архимандритом Троице-Сергиевой Лавры (†1633; память 12 мая). Настоятельством в Ниловой Столобенской пустыни святитель Нектарий, архиепископ Тобольский и Сибирский (†15 января 1667).

На иконе Собора Тверских святых изображены лики нескольких святых, чтившихся ранее местно: благоверная княгиня Тверская Ксения (†XIV в.) — мать святого князя Михаила Тверского; благоверный князь Бежецкий Димитрий Юрьевич Красный (†1441); благоверный князь Ржевский Владимир (XIII в.;

память 15 июля) и его супруга княгиня Агриппина (XIII в.; память 23 июня и 15 июля); праведная Параскева, игуменья Ржевская (память 13 октября).

Прославление Всех святых, в земле Тверской просиявших, имеет огромное значение. Русская Православная Церковь может молиться в особо установленный день Всем Тверским святым, чтобы они, как пишет в своем послании Святейший Патриарх Пимен, «не оставляли этой церковной области своим благодатным покровительством и помогали ее священноначалию, членам клира и церковноприходским советам благоустроить жизнь каждого прихода и всей епархии по образу своей Небесной соборности, запечатленной на иконе сегодняшнего праздника и призывающей пастырей и пасомых, «снисходя друг ко другу любовью... сохранять единство духа в союзе мира» (Еф. 4, 2—3)».

Литература

1. Тверской патерик. Казань, 1908.
2. Святейший Патриарх Пимен. Послание архиепископу Калининскому и Кашинскому Алексию.— Журнал Московской Патриархии, 1979, № 9, с. 4.
3. Архиепископ Калининский и Кашинский Алексей. Послание клиру и мирянам Калининской епархии.— Журнал Московской Патриархии, 1979, № 11, с. 15.
4. Архимандрит Виктор (Олейник). Первое празднование Собору Тверских святых.— Там же, с. 15—20.

